

Қазақстан Республикасы  
Үкіметінің  
2025 жылғы « 9 » қаңтардағы  
№ 1203 қаулысымен  
бекітілген

**Тегін медициналық көмектің кепілдік берілген көлемі және міндетті медициналық сақтандыру шеңберіндегі, сондай-ақ орфандық және әлеуметтік мәні бар ауруларды емдеу үшін дәрілік заттарды импорттау кезінде қосылған құн салығынан босатуды қолдану қағидалары**

**1-тарау. Жалпы ережелер**

1. Осы Тегін медициналық көмектің кепілдік берілген көлемі және міндетті медициналық сақтандыру шеңберінде, сондай-ақ орфандық және әлеуметтік мәні бар ауруларды емдеу үшін дәрілік заттарды импорттауды қосылған құн салығынан босатуды қолдану қағидалары (бұдан әрі – Қағидалар) Қазақстан Республикасы Салық кодексінің 479-бабы 1-тармағының 17) тармақшасына сәйкес әзірленді және тегін медициналық көмектің кепілдік берілген көлемі (бұдан әрі – ТМККК) және міндетті медициналық сақтандыру (бұдан әрі – МӘМС) шеңберінде, сондай-ақ орфандық және әлеуметтік мәні бар ауруларды емдеу үшін дәрілік заттарды импорттауды қосылған құн салығынан (бұдан әрі – ҚҚС) босатуды қолдану тәртібін айқындайды.

2. Осы Қағидалар Қазақстан Республикасы Салық кодексінің 503-бабы 2-тармағының 1) тармақшасына сәйкес дәрілік заттарды импорттау жағдайында қолданылмайды.

3. Осы Қағидалар Қазақстан Республикасы Денсаулық сақтау министрінің 2020 жылғы 20 қазандағы № ҚР ДСМ-142/2020 бұйрығымен бекітілген орфандық аурулар мен оларды емдеуге арналған дәрілік заттардың (орфандық) тізбесіне (Нормативтік құқықтық актілерді мемлекеттік тіркеу тізілімінде № 21479 тіркелген) енгізілген орфандық ауруларға қатысты ғана қолданылады.

4. Әлеуметтік мәні бар аурулар Қазақстан Республикасы Денсаулық сақтау министрінің 2020 жылғы 23 қыркүйектегі № ҚР ДСМ-108/2020 бұйрығымен бекітілген әлеуметтік мәні бар аурулар тізбесіне (Нормативтік құқықтық актілерді мемлекеттік тіркеу тізілімінде № 21263 тіркелген) енгізілген аурулар деп түсініледі.

**2-тарау. ҚҚС-дан босатуды қолдану тәртібі**

5. «Халық денсаулығы және денсаулық сақтау жүйесі туралы» Қазақстан Республикасы Кодексінің 251-бабының 1-тармағына сәйкес әкелінетін дәрілік заттардың импортын қосылған құн салығынан босату:

1) фармацевтикалық қызметке немесе медициналық қызметке арналған лицензия;

2) орфандық және әлеуметтік мәні бар ауруларды емдеу үшін дәрілік заттарды қоспағанда «Тегін медициналық көмектің кепілдік берілген көлемі шеңберінде, тергеу изоляторлары мен қылмыстық-атқару (пенитенциарлық) жүйесінің мекемелерінде ұсталатын адамдар үшін медициналық көмектің қосымша көлемін бюджет қаражаты есебінен және (немесе) міндетті әлеуметтік медициналық сақтандыру жүйесінде дәрілік заттарды, медициналық бұйымдарды және арнайы емдік өнімдерді сатып алуды, фармацевтикалық көрсетілетін қызметтерді сатып алуды ұйымдастыру және өткізу қағидаларын бекіту туралы» Қазақстан Республикасы Денсаулық сақтау министрінің 2023 жылғы 7 маусымдағы № 110 бұйрығында (Нормативтік құқықтық актілерді мемлекеттік тіркеу тізілімінде № 32733 тіркелген) көзделген тәртіппен жасалған дәрілік заттарды беру шарты;

3) дәрілік заттардың Қазақстан Республикасының аумағында тіркелуі;

4) тіркелмеген дәрілік заттарды импорттау жағдайларында «Дәрілік заттар мен медициналық бұйымдарды Қазақстан Республикасының аумағына әкелу және Қазақстан Республикасының аумағынан әкету және «Қазақстан Республикасында тіркелген және тіркелмеген дәрілік заттар мен медициналық бұйымдарды әкелуге (әкетуге) келісім және (немесе) қорытынды (рұқсат беру құжатын) беру» мемлекеттік қызмет көрсету қағидаларын бекіту туралы» Қазақстан Республикасы Денсаулық сақтау министрінің 2020 жылғы 8 желтоқсандағы № ҚР ДСМ-237/2020 бұйрығына сәйкес берілген рұқсат беру құжаты (Нормативтік құқықтық актілерді мемлекеттік тіркеу тізілімінде № 21749 тіркелген);

5) осы Қағидаларға қосымшаға сәйкес нысан бойынша жасалған тауарларды мақсатты пайдалану туралы импорттаушы міндеттемесінің;

6) Қазақстан Республикасының аумағында өндіру мақсатында пайдаланылатын дәрілік заттарды, оның ішінде дәрілік субстанциялар мен балк-өнімдерді, импорттау жағдайларында «Тауарлардың нысаналы мақсатын растау қағидалары мен нысанын бекіту туралы» Қазақстан Республикасы Премьер-Министрінің орынбасары – Сауда және интеграция министрінің м.а. 2023 жылғы 30 наурыздағы № 125-НҚ бұйрығына (Нормативтік құқықтық актілерді мемлекеттік тіркеу тізілімінде № 32184 тіркелген) сәйкес берілген тауарлардың нысаналы мақсатын растау болған жағдайда қолданылады.

6. Қазақстан Республикасының Әкімшілік рәсімдік-процестік кодексі 45-бабының 5-1-бөлігіне сәйкес «электрондық үкімет» ақпараттандыру объектілерінде мемлекеттік органдардың ақпараттық өзара іс-қимылы кезінде алынуы мүмкін құжаттар мен мәліметтерді өнім берушіден жинауға және талап етуге жол берілмейді.

7. Өнім беруші ТМККК және МӘМС шеңберінде, сондай-ақ орфандық және әлеуметтік мәні бар ауруларды емдеу үшін дәрілік заттар үшін саны мен көлемдері көрсетілген, тауардың жеке декларациясын толтырады.

8. Қосылған құн салығынан босатылатын дәрілік заттарды импорттау кезінде құжаттарды беру және оларды кеден органдарымен қарау тәртібі Еуразиялық экономикалық одақтың және (немесе) Қазақстан Республикасының кеден заңнамасына сәйкес айқындалады.

9. Осы Қағидалардың 5-тармағында көрсетілген Қазақстан Республикасында медициналық, фармацевтикалық қызметке сәйкес келмейтін, сондай-ақ тауарларды Қазақстан Республикасының аумағынан одан әрі әкету мақсатында тауарлардың өнім берушілермен пайдаланылуы кезінде (реэкспорт кедендік рәсімімен әкетуді қоспағанда), осындай тауарларды кедендік ресімдеу кезінде төленбеген қосылған құн салығы Еуразиялық экономикалық одақтың және (немесе) Қазақстан Республикасының салық заңнамасына немесе кеден заңнамасына сәйкес бюджетке төленуге тиіс.

Тегін медициналық көмектің кепілдік берілген көлемі және міндетті медициналық сақтандыру шеңберінде, сондай-ақ орфандық және әлеуметтік мәні бар ауруларды емдеу үшін дәрілік заттарды импорттауды қосылған құн салығынан босатуды қолдану қағидаларына қосымша

Мемлекеттік кірістердің  
аумақтық органының  
басшысына

Тегін медициналық көмектің кепілдік берілген көлемі және міндетті әлеуметтік медициналық сақтандыру шеңберінде, сондай-ақ орфандық және әлеуметтік мәні бар ауруларды емдеуге арналған әкелінетін дәрілік заттардың мақсатты пайдаланылуы туралы міндеттеме

Өнім беруші \_\_\_\_\_

\_\_\_\_\_  
\_\_\_\_\_  
\_\_\_\_\_

*(заңды тұлға – өнім берушінің толық атауы (мекенжайы, банктік деректемелері, БСН) не өнім берушінің, жеке тұлғаның тегі, аты, әкесінің аты (бар болған жағдайда) – (ЖСН/БСН)*

тегін медициналық көмектің кепілдік берілген көлемі және міндетті әлеуметтік медициналық сақтандыру шеңберінде, сондай-ақ орфандық және әлеуметтік мәні бар ауруларды емдеу үшін әкелінген (керектісін сызу)

*тауарларға (тауардың атауы) арналған декларацияға (ларға) № (№) сәйкес*

Соған байланысты әкелінген дәрілік заттарды тегін медициналық көмектің кепілдік берілген көлемі мен міндетті әлеуметтік медициналық сақтандыру шеңберінде, сондай-ақ орфандық және әлеуметтік мәні бар ауруларды емдеу үшін пайдаланылатынына міндеттенемін.

Көрсетілген дәрілік заттарды өзге мақсаттарда пайдалану үшін Қазақстан Республикасының салық заңнамасына және Қазақстан Республикасының және/немесе Еуразиялық экономикалық одақтың кеден заңнамасына сәйкес \_\_\_\_\_ теңге мөлшерінде кедендік тазарту кезінде төленбеген салықтарды және олардың өсімпұлын төлеуге міндеттенемін.

Алушының қолы \_\_\_\_\_ / \_\_\_\_\_ / Күні 20\_\_ жылғы «\_\_» \_\_\_\_\_  
(заңды тұлға – өнім берушінің толық атауы не өнім берушінің, жеке тұлғаның тегі, аты, әкесінің аты (бар болған жағдайда))